


吏部
吏制



吏部卷之六

吏制

儒吏
宣使

吏員
司吏

令史
典史

典史
典庫子
譯吏

儒吏

一隨路歲貢儒吏至元六年十月 中書省擬右三部呈掌
管諸路刑名公事繁劇若止於吏禮部待闈人內揆次收
補其待闈人吏多有不通練刑名合无令本部於上路總
管府見設上名通練刑法司吏內保差試驗收補事又據
本部呈亦為選取部令史事省府相度今後樞密院御史
臺俱於省部選取令史又各部所掌銓選戶差形名等事
尤為繁劇各得實材以辨其事今擬上都等處周歲額保

令史二名秀才一名司史一名北京等處周歲額保一名或儒或史科一名其所保秀才務要洞達經史通曉吏事其吏負通明法律熟閑吏業各選四十五以下廉慎行止為眾推服者開具姓名脚色直言所長就便行移按察司体究相同然後保結申部呈省勾喚赴部相驗相應遇各部令史有闕相補如試驗得才不相應或所保不公罪及元保官司除已行下脚史臺照為施行

○至元十九年御史臺承奉 中書省札付近為

朝省選補掾吏立法擬定中書省掾於樞密院御史臺令史內選取院令史於六部令史以諸路歲貢人吏補充內外

職官材堪省掾及院臺部令史者亦許擢用已經行下吏部依上施行去訖都省議得省掾考滿出而臨民入而事土資品既高責任亦重泝流尋源皆自歲貢中出由此言之歲貢儒吏若不先加教養次以銓試收之不將苟且以求僥倖人材失直所關非細比及設立科舉以來定到項事理承此本臺咨請驗照行

一諸州府直隸省部皆有受

勅受教仰本路官於管下免差儒戶內選有余閑年少子弟要之家須要一名入府州學量其有無自備求脩從授讀書修習儒業若无年少余閑子弟可以讀

書者不得椿配責要本路官朔望拜廟就加省視
勿令廢替非儒而願從學試驗擇學業有成名弟
近上者充府州學生仍申本路本州照會標入學
生之籍依舊就學肄業若遇本道按察司及本路
總管府歲貢之時仰本司本路行下本學教授於
係籍學生內選試行義修明文筆優瞻深通經史
曉達時務可以從政者保申本路官司再行體覆
相同然後解貢

一各路司吏有關項於所屬諸衙門人吏內先選行止
廉慎次論人材幹敏然後勾取委本路長參佐同

儒學教授立提考試擇行移有法算術无差字畫謹
嚴言語辦理利能通詩書論孟科一經史為中程式
取考試者官保明文狀然後補充本路本司司吏此
外不濫收違者有罪按察司書吏有關府州司吏勾
補至歲貢時本司本路挨次上名再行試驗相同依
額貢補

一歲貢人額

按察司上路總管府三年一次貢二名 儒一名吏一名

下路總管府二年一次貢一名 儒吏進

一六部令史除補院臺令史外諸行道省掾亦擬差補

又至大元年行臺近為廉訪司合設書吏奏差於各路總
管府請俸司吏并歲貢儒人內選用奏差亦依舊例於州
司吏縣典吏內遴選今各道訪廉司按治數路每歲各貢
儒人一名其數似多腹裏已有貢舉定例本臺別無准奉
明文无所遵守移准御史臺咨照得承奉 中書省札定
到歲貢儒^吏例該上路總管府三年一次貢二名儒一名吏
一名下路總管府二年一次貢一名儒吏進仰依上施行

一儒吏考試程式元貞三年 月江西行省准 中書省咨
該欽奉

聖旨條畫內一款節該議行貢舉前詔已常及之比及設科以
來自元貞二年諸路有儒知吏事吏通儒術性行修謹者
各路薦舉廉訪司試選每道歲貢二人省臺立法考試必
中程式方許錄用如所貢不公罪及選舉官司欽此送禮
部與翰林國史院吏部一同斟酌舊制定擬到考試程式
隨此發去 都省咨諸請依上准此省府仰依上施行

某路府據某州司縣申婦問一定起公事解到所聞人
寺追獲莊伏

殺人无莊云追獲元使^器勒令認過一
伏切盜云追獲元盜莊^驗

就歸勘得正犯人甲招不合於某年月日作何罪犯
 但寫文狀如何到官情罪是實如全无証伏即云解
 後招語如何到官情罪是實到所關人等當斥審
 過取責正犯人甲招同前如有徒伴即云不合於某
 年月日甲為首糾合乙丙同謀作何過犯如何到官
 情罪是實乙丙招責與甲无異乙丙如更或曾別作
 過犯須云除與甲招相同外又招某年月日不合與
 丁戊招作何罪犯并取到干連人某指證詞因及捉事
 人某被傷人某若主其事主某准伏文狀已上隨追
 會一切完備如有未獲人數即云除某人在府司官
 公座對衆將犯人刑人某至徒人某同行引審取訖
 服辦文狀杖以下罪不取服除將干連人某准首人
 某被傷人某事主某若主某先已省會寧家奴婢某

摘斷付主某人還職某人還役某人召保下輕罪未
 斬責保至徒人某收禁外已上皆於所出據正犯重
 刑人某已經本道巡按廉訪司對本人家屬明示犯
 由亦已取到服辦文狀依舊收禁外大都須云已牒
 引審无冤即訖服辦文狀枷項級今具元發事頭逐
 手同家屬某差人監押赴部引審今具元發事頭逐
 人招款詞因并抄白追會收監事件開立如後須至
 申者

一元發事頭某年月日據某州備某司縣申該據

某人狀告貼題備錄全文得此尋殺人即云
 初覆檢過致命根因殺傷即云尋殺人即云
 驗過被傷去處賊盜須云委官驗過本家

失盜 移文縣尉并下所屬地分及牒鄰境
 踪跡 官司捉賊施行間准某處官司公文該據
 某人狀告某年月日緣何認是前項賊人
 以此親手捉獲監押赴官 因賊取露者即
 云并莊一就赴
 官涉疑捉獲者即云緣由疑是賊人盤捉
 到官非盜賊云即將犯人勾捉到官
 縣司略行問得賊人某招伏與事主元申
 并捉事人見告俱各相同追獲莊伏勒令
 事主認過委是被 強日劫非盜本物非盜
 切日盜賊止
 云畧行問得犯人某招 契勘逐人所招事
 仗並與某人元告相同
 于刑名縣司地卑不敢留問今將正犯人

某人枷項紐手事主某捉事人某散行同
 莊杖一就差人牢固監押前去乞收管施
 行 已上書擬盜賊為例
 其餘罪犯隨事變之 府司收管問得遂
 人所招並與來解相同 若便有問出情罪
 即云除與來解作
 何通犯為此移文某處勘會所犯情由去
 後回准牒文照得並與賊某元指相同若
 有合捕人數及須并問者即云行移某處
 勘會及就窟捉所指賊人去後回牒文
 發到上項人數就令逐今將正犯人某行
 人面對並與元指相同
 枷扭手干連人某捉事人某散行差人監
 押前去伏乞照驗收管施行

一府司勘責到逐人文狀

正犯人招款

一名某見年若干身无疾病如疾謂殘本貫

其處附籍是何色目人氏除曾祖父父母父

母先已亡歿外在家見有是何人口

各各二年甲杖罪已上人口各无疾病別

以下不洩開寫已上人口各无疾病別

須云除某元患是何疾証見有產業各二

外其餘人口各无疾病即干即日應當是何差役除外別无家口

產業亦不是奴賤自來並無過犯倘有隣

人主首并元籍青冊請題與一千人无離

不親令據實招說先為如何事上於每年

月日作何過犯如何到官盜賊先為艱難

知得某處某家有才以此發心於年月日

早晚時分空手或特是何器杖緣由某家

何處越牆八去掘開甚空房門或於某處

家開窟穴如何盜出財物經由何處出未

到家點得所盜物件各若于在至某月日緣何

破使見在各各若于在至某月日緣何

人為從各執是何器杖如何施威入去何

人在外把風何人在內收拾財物如曾殺

傷事主洩問某人用何器杖於某何身何

加功其戶奔於何處至其月日緣由取獲
 偽造鈔函問始初何人造意如何會得
 雕板某人印造某人使印記某人抄紙某人
 共印造到凡貫伯文料例各若千數內
 已行使說若干見在若干年若千數內
 賊露被捉到官隣首曾無知情追到元使
 作杖所刻板印造到偽鈔當官一認過
 委是造偽各本物。開殿教人函問始
 初聞爭緣故在前有無仇嫌去殿函問元
 謀或下手先後各輕重去處函見那時致
 命或在後因傷身死致被何人告發到官
 定本家元有或他處到致如何用度情由指
 敢露追搜到官。毒藥函問始初行毒情
 由如何得知得其藥可以害人惟命緣由發
 竟到官。戲殺函問在先曾無相戲中發
 有死仇隙。當時如何因戲致殺緣由其
 罪犯視此為例自始初發意中間營為至
 在后敢獲必要首尾明白

所有追到駐伏已蒙某處官司當廳勒令
 令認過委是各各本物司追到元使某物
 勒令認過委是當時殺人器杖。造偽鈔
 所有追到元使作仗所刻印板造到偽鈔
 當官勒令認過委是各本物。軍器所
 有造到某物几件當官認過委是本家元
 藏軍器。毒藥所用不尺藥物已蒙官司
 當斤勒令認過委是親手修合毒藥。殺
 人追到元使某物已蒙官司勒令認過委
 是當時行兇器杖勾到見証指說相同委
 為其所犯事干刑名申解前來今蒙取問
 所責前項詞因並是指實除今犯外自前
 至今別不曾作下其餘重罪有別函云除
 某年月日曾作是何過犯已經某處官司
 如何斷訖此外更無其餘重罪即不是在

逃應合殺捕之人亦无隱匿同党知情受
分典賣寄藏脏器勾引窩藏過致資給干
犯人等行盜時並無傷犯事上招責不實
事情。謀故殺人亦无隱匿同謀共殺之
人開毆時不是與某素有仇謙故行毆殺
。毒藥亦无隱匿同謀教令修合之人其
貨藥人實不知情。偽鈔亦无隱匿同謀
教令偽造之人鄰首並不知情其他難犯
即云亦无同謀知情一切干犯人等已供
服款外更无指責下不之情。

若蒙官司隔別磨問或別因事發露但與
今狀不同除當本罪外更甘誑官罪犯不
詞所有某招伏不合於某年月日為首糾
合某人糾作何罪犯或信從某人糾合與
某并某作何罪犯二罪以上即云又不合

於某年月日作何罪犯執給是實

一名婦某人見年若干身无疾原保處某附籍是
何人戶某人正妻與未定婚成親時兩家
各无違碍在前不曾犯罪經斷亦不是奴
賤及倡優之家倘有鄰人主首并元籍青
冊諳顯與一千人無仇不親今據實招說
得云云 余與前狀並同

一名奴婢某見年若干身无疾病係某處是何人
戶某人元買元虜家主驅奴几年月日本
使配到家婢或贖到販婦某人為妻生到

男女各各年甲除外別无梯已人口財產
備有隣人主首并青冊請詣顯與一千人
无仇不親今據實招責同前結諱須該寫本
主並不知情

干連人詞因

一名其人見年若干身無疾病係某處附籍是何
名色人戶至徒以上開寫家
口杖罪以下不開今為某人作
何過犯指出如何事上以此干連到官據
實招說云云所具前項招責情由並是指
實別無虛誑若蒙官司照依見招斬遣甘
伏元詞執結是實

一名指證人某年甲籍貫依上開寫今據實分析
云云為某係見證上一就申解前來所責
前項詞因並是端的別不是暗受買告虛
相扶同亦無隱匿指證不盡事理與一千
人无仇不親如虛當罪執結是實

一名捉事人某年甲年脚色同前今據實分析備
緣由為係捉事人上一就申解前來所具
前項詞因並是指實別無虛誑緣某別不
是官中差設應捕之人亦不是失賊地分
當該合捕人數及不曾承准諸人告報然

後捉獲亦無相籍威力爭功人等若蒙照依犯人見招徵斷准伏無詞執給是實

一名事主某年甲籍貫同前今據實分析云云為係被盜事主一就申解前來所通前項詞因並是指實追得贓物當官認得委是被盜正贓所佑價錢亦无虧省若蒙照依犯人見招徵斷准伏无詞執結是實

一名若主某年甲籍貫同前今據實分析云云所通前項詞因並是指實今當官認得某人委是本家无逃馭奴别无詐認備有申官

判憑左鄰人主首語顯見招罪犯並不知情若蒙官司依法裁斷准伏無詞

一名被若主某年甲籍貫同前今據實分析云云為某係若主一就申解前來所通前項詞因並是指實據身死某人在日若干年甲委无疾狀詞不是奴賤生前亦無作下過犯備有鄰人主首并青冊語顯與一千千无仇不親若蒙照依已招徵斷准伏無詞一名被傷人某年甲籍貫同前今據實分析云云為係被傷人上一就申解前來所通前項詞

因並是諸實別无虛誑某處无被傷損已
是平復即云某處无被傷損再
如蒙官司照依犯人所招斷决准伏无詞
執給是實

一抄白追會事件

屍

一據某處申委官初復驗到身死人某致命根因
已將屍首責付家屬某人權行埋瘞

初檢官某將引件作行吏某等初檢某人屍首公
身别无他故外驗得云云各隨下項所該致命根因摘用

復檢官將引不干碍行吏某等復檢得某人屍

首並與初檢相同初檢時仰面復檢時合

勒屍驗得本屍口開眼瞪項上勒痕黑色圍

圓長若干寸深闊若干分食氣額塌項痕

交匝委是被入勒死自縊者舌出項痕不匝

斃死驗得本死某處皮破骨損深淺長闊各

各寸分若干委是生前墜落崖下或墜坑

中因傷致命身死

凍死驗得本死項縮脚拳两手抱背遍身粟

肉色黃紫委是凍死

餓死驗得本屍臍肚貼腔身體黃瘦委因飢
餓身死是的

辜內病死驗得元傷去處已是平復別无行
風入瘡痕迹其屍肌体瘦弱肉色痿黃色
口眼皆合两手舒展某處或有新針灸盤
痕在傍或有是何藥貼問得屍親或奴說
稱曾請某醫看治勾問得委係患某病證
曾用上件藥餌調治驗是辜內別增余患
身死是的

罪囚被勒身死驗得本屍兩大腿外破傷長

闊深淺各各若干分寸圍圓赤腫多少驗
是生前因被拷勒痛氣攻心致命身死

若驚詭死驗得本屍目瞪開口而手舒展犹
若怕怖之状委是生前驚詭致命身死

毒藥死驗得本屍唇破舌爛口內紫黑手指
甲青以銀釵探入咽喉中少時取出其釵
黑色驗是生前中毒身死

車碾死驗得本屍肉色微黃口眼皆開手握
髮緊某處有傷云云驗是生前被車碾傷
身死

燒死驗得本處皮焦肉爛手脚挛縮口鼻耳
內皆有灰炆委是生前被火燒死如已死
者口鼻耳
內无灰炆

杖瘡死驗得本屍兩臂上各有破傷斜長几
寸闊几寸深至骨上有血痂委是杖决因
風透串致命身死

落井投水驗得本屍肉色清白口開眼合肚
皮胖脹指甲內有沙泥其水深八尺以上
委是生前落井投河致命身死如死后弃
指甲內
死沙泥

刃傷死驗得本屍某處破傷一處長闊分寸
若干其傷皮肉齊截驗是刃傷致命身死
咽喉上傷云食氣系斷腦上云腦破見有
血出疑傷其他處隨痕驗

病死驗得本屍刑体瘦弱肉色痿黃口眼俱
合兩手微握沁身或有灸盤驗是生前因
病身死是的

自縊死量得梁高几尺以上其屍兩脚懸虛
舌出項痕不匝驗是生前自縊身死

馬踏死驗得本屍肉色微黃兩手舒展頭髮
寬慢某處有復一處長濶各若干口鼻耳

內或有血出驗是馬踏身死

捧毆死驗得本屍眼開手散頭髮寬慢肚皮

不脹除公身輕傷外某處有傷一處長闊

若干分寸此係要害去處驗得捧毆身死

自割死驗得本屍口眼俱合兩手拳握肉黃

髮聚項下有傷一處長若干寸深若干分

食氣喉斷驗是生前以刀自割身死

刺死驗得本屍口眼並開頭髮披散兩手微

握有傷云云驗是被入刺中致命身死

壓死驗得本屍舌出睛迭耳鼻口內皆有血

出驗是生前墻倒屋塌壓傷致命身死

傷

一勒醫工某驗得某人左眼上青腫一匙圍圓三

寸用守劈開其睛已損神水散俱全不見

物久遠不堪鑿治驗是他物或拳手所傷

一勒醫工某驗得某人左眼周回青種三寸用手

劈開驗得其睛初因痛氣攻症腫人虧損

微見物其目已眇久遠不能醫治驗是拳

手或他物毆傷

一辜內平復驗得某人左太陽穴上有傷一處斜

長三寸闊一寸上有血汚驗是他物所傷
辜滿再驗得已是平復更无他故

一勒醫工某驗得某人左臂青腫一處圍圓三寸

揣得骨損折辜滿再驗得已成芦節有妨

執物即同廢疾久遠不堪醫治若二支廢即同廢疾

一勒醫工某驗得某人面黃脉乱頭痛腹高恍惚

多睡試令唾入水中其唾沉重

一勒醫工驗得某人兩手脉息不勻面色痿黃頭

痛腹脹霍乱吐血委是中毒刑證

一勒醫工驗得某人脉患沉遲面色青白腹肚微

脹驗得落水所傷

一勒醫工驗得某人上唇微綻當門去訖一齒其

所落連帶血肉比對齒白鄰牙相同認是

他物所傷辜滿再行驗得其傷已平

一勒醫工驗得某人左手大拇指第二節因棍打

折辜滿再驗得委成芦節有妨執物即同

殘疾

一勒醫工驗得某人頭入上偏左方寸无髮取到

掉落頭髮其根連帶米肉比對見存髮色

長短相同

一勒醫工某驗得某人某處有傷一處斜長一寸
闊闊一分驗是刃物所傷

一勒醫工驗得某人左脇下青紫一處圍圓三尺
寸口邊見有凝定血汚驗是因拳手所傷
以致內損吐血

一勒穩婆某驗得婦人某所墮身小係几個月驗
是因毆墮落其母別無損傷

一勒穩婆某驗得本婦乳頭变色子脉方行委有
几個月身孕

病

一勒醫工某驗得某人自小失音與人語言以手

指畫應答委是啞同得癱疾不堪醫治

一勒醫工某驗得某人腰背佝曲骨節蹉跌初因

如何損折委同癱疾久遠不堪醫治

一勒醫工某驗得某人兩手脉證元因風邪傳入

心經致使精恍惚喜怒悲樂不常言語訛

亂不別親疎已成篤疾久遠不堪醫治本

家見有申官憑驗

一勒醫工驗得某人兩手脉證先因心氣不足感

受風邪入於經絡致使神情恍惚口內常

有涎沫奔動狂亂與人語言不依問答委
是痴病合動瘖疾

一勒醫工某驗得某人左右手足不遂語言蹇澁
特發昏亂委是中風病證同得瘖疾久遠
不堪醫治

一勒醫工某驗得某人左右手臂脚腿元因如何
損折氣血俱定已成芦節手足云不能本用
腿脚云不能行步同
得瘖疾

一勒醫工某驗得某人兩手詠證先因內感風毒
散於經絡致使鼻梁崩擗眉髮脫落徧身

瘡癩行步艱難已成篤疾久遠不堪醫治
一勒醫工某驗得某人元因某臟風虛男子云腎
女人云血
攻注兩耳以致閉塞不通声聞即同瘖疾
久遠不堪醫治

一勒醫工某驗得某人兩眼元因痛氣不散醫膜
遮睛全不見物委是同得瘖疾久遠不堪
醫治一目音驗
元得疾証

一勒醫工某驗得某人項右頰下先因血氣凝聚
結成癭腫其大如杵 即同瘖疾久遠不
堪醫治

一勒醫工某驗得某人左腿瘡腫膿血常血已成
久漏同得殘疾不堪醫治

一勒醫工某驗得某人手无二指足无三指手足
无大拇指元因如何傷損委同殘疾不堪
醫治已上隨時指用
俱屬殘疾之証

一時暫所患病證皆須醫工臨時診驗難以具載
此類多般恐或差誤

物

一脏金銀勒行人某驗得係是几成金銀成章上有
甚字鑿記
用法物秤重若干别无假偽

一犖畜牛曰隻馬曰疋羊曰口駟騾曰頭牝牝毛
色齒歲印記皆須開寫

一勒鉄匠某人驗得某人元使殺人刀子連靶長
若干尺寸闊若干寸分尖刀鋒利堪以害
人性命不同應禁軍器

一勒某人驗得某人元使行兇棍棒係是未長几
尺几寸圍徑大頭几寸几分小頭几寸几
分若將行使堪以殺人

一將私盜勒當該官司驗得比之官盜味色芒頭
俱各不同委是私盜用法物秤重若干

一勒醫工某人驗得某人元造盡毒其藥不出方書味香氣委是造成盡毒堪害人性命

一將某人元使弓箭驗得係甚面其棒弓一張弦全箭几十隻翎扣箭頭全堪以施射即係應禁軍器

一將某人元使手刀驗得係鷹翎刀連鞘通長几尺几寸刁鞘全尖鋒刃利堪以害人性命委同應禁軍器

一槍弩衣甲皆係應禁軍器例須依上辦驗

一偽鈔庫官庫子合干人驗得比真鈔字樣懸

別料號不明紙色曾暗印无逆珠合同不一委是偽鈔不堪行用勒令犯人再行刁造比驗相同

一凡濫偽之物事發皆須行人辦驗

一將某人元使毒藥勒醫工某驗得係行其藥為末照得本草所載其性大熱有毒依方炮製可以入藥若人生食堪以損人

一某人造到偽印勒識會篆文不一字体懸別

一假銀驗得微帶黑色透眼俱係鑄成委是到假白錫造到假銀

一諸濫偽之物及偽造所用作伏皆須行人辨驗
穿窬發塚殺人之物亦同

一某人元使擊其磚石量得長闊厚薄圍圓若干
若以擊人輕則致人損傷重則害人性命

一某人元使勒死某人皮條驗得係其皮條長闊
若干尺寸若用擊人咽喉實可害人性命

一某人元造偽鈔物件驗得基本鈔板几片各開
貫陌料例合行用印子几个大小朱印几

顆委是造偽之物

蹤

一某人被燒房舍委官驗得燒訖甚房几間委係
有人居止在傍某處亦有幾人出入蹤跡
其燒不盡木植已是不堪架造

一委官驗得其家甚屋那間割開窟穴一處可以
容人出入及那壁院牆內外各畫到圖本
一委官驗得某家房屋門閤簾俱折櫃蓋破碎認
是賊人行劫及於墻外某處覩得亦有出
入蹤跡畫到圖本

官

一某官狀指見帶是何官職行下某處追到所授

宣勅委官辨驗得别无冒偽將抄白對讀无差的本分付犯
犯家屬收掌聽候去訖此非犯除名
疑不用

據

一某指某人元係本家在逃駟奴照過元買文契
无偽照過戶籍俱各相同

一某指到官駟馬一匹委是每某人處買到追索元
契委官辨驗得别无詐冒不實

一凡文憑例須照勘者依上開

申

一某指某人係是本家在逃駟奴追到元申官判

憑委某官驗得别无詐冒及在逃拐帶物

色與某處元申相同

一某狀招所盜某物家財物追到事主元申文狀
委官照過與某人所責相同

一將追到贓物勒事主某人當官認得委是被盜
元劫本物别无詐認

一將到官贓仗勒犯人當官認得委是元盜正贓
或元使器仗别无詐認

一某指係某家駟奴勾到本土當官認得委是本
家在此駟奴别无詐認

同

一某指為官根脚尋下司縣勒合干官司勘會得
某委是某年月日承伊故父某人官資蔭
別无詐冒照通元行文案相同

一某指某人妻尋行下某司縣勒令鄰首人等勘
會得委是依理求到正夫與妻定婚成親
時兩家各无違碍犯奸者云自前不曾犯
奸經斷亦不是倡優之家照籍相同

一某指元曾犯奸盜經斷行下合屬各或牒某處
照通元斷文案相同

一某指與某有仇尋行下合屬州縣勒合干隣人
首人等勘會得某在前委是有何仇嫌如
曾經斷通云照通元行文卷相同

一某指某人閨親尋行下合屬官司勘會得某人
係某是何親戚問得隣首同宗指證相同
一捉事人某指係某隣首姓尋行下本縣勒合干
隣差役設捕盜及出賊地分當該應捕之
人與賊人及事主別不閨親

一某指係某處某家駟奴行下本司縣勒合干隣
首人等勘會得委是某人駟奴照藉相同

勘

一若主某人指身死某人脚色行下甚處勘會得被殺人某在日若干年甲生前別無疾狀即不是奴賤及在逃應合殺捕之人與行克人无執不親照籍相同

一至徒以上人行下合屬勒當該隣首人等勘會得在家應有人口年甲並與所責无異某人見有是何疾證外其餘人口並無疾病除今犯外在前更不曾作下其余重罪亦不是在逃應合殺捕之人見有物業除已

佑

責付當該隣首知管取到不致失散罪狀

一將見獲贓物或无見在開坐名件移牒或下元犯某處佑計去後回准某處公文或據申該勒合干人依犯時月日實直當官佑各各物價取到別無高擡小佑甘罪文狀見到官佑到價若干

未追或破使懸佑到若干正贓非見在者皆懸佑並從中償

一將某略到某人家奴行下本屬官司勒合干牙保依犯時月日佑到實直若干取到並無

高擡小佑執給文狀

一某放火燒訖某家財物行下本司縣勒合干行人依犯時月日佑到價鈔若干

招

一據前斷某公事在錯移文某處取到當該官吏招訖失出失入情罪

一某指如何過犯隣首人等各不知情行下本司

縣勒合干隣首人等招訖失查察情罪

私造衣甲 伴修善事

造偽鈔 煎私鹽 夜聚明散 強盜

辦

一某指儿年月日早晚時分經由何處盜訖某家

財物取當到該置鋪去處捕盜官巡禁不

嚴招伏 盜官庫財物者本庫當該直宿官吏亦合取招許吏官物並合取招

一本府州官公座對象將犯重刑人某至徒人某

對各人家屬同行引審明示罪名結定已

招詞因並是端的別无冤枉取到服辦狀

審

一某年月日有本道肅政廉訪司某官牒會合審

重因為此將犯重刑罪囚某人同卷發去

審問去後回准公文該將卷照通令不干
 碍人吏引審得犯人某狀招見年若干別
 无疾病所有脚色條細詞因已青在官今
 據實招伏不合於某年月日作何過犯於
 几年月日蒙巡按某官令不干碍人吏對
 獄卒人等再三引審結定已招情款并令
 伏審委是親通本犯實情別无冤柱若准
 某處已招任蒙依法處斷施行取到服審
 文狀已令双手點訖指文請依式連銜開
 申施行

一收豎事件

贓

- 一將到贓物少者就寫責付事主某人收管去訖
多者另開若係官物發付某處寄收聽候施行去訖
- 一將某官乞索贓物多少責付本主收管去訖恐
 嚇之贓亦同
- 一將某官元受某人枉法贓物若干發下某庫權
 行收管去訖
- 一某人元受某人某物若干照得即係彼此俱罪
 之贓發下某庫寄收聽候設官去訖

一將到私鹽若干牒付某處運司收管去訖

一將某人元造毒藥若干如法封裹標題發下駐

罰庫聽候弃毀去訖

一將到官贓馬几疋亦余畜行下某司縣權行牧養

聽候去訖非官畜則給主

一偽鈔一切偽物追獲到官下庫寄收聽候燒毀

施行去訖

伏謂弓箭槍刀棍棒等器伏

一將行兇器伏某物發下駐罰庫收管去訖

一將應禁軍器某物封記隨解發去

人

一將某人元造偽鈔作伏發下某處寄收聽候毀

壞去訖

一將逃奴甲先已摘斷分付本主某人收管子了

當至徒者非

物

一某人元給良書責付本人收管去訖

一將追到某縣甲乙文案發下本縣收管去訖

一將僧丁公搃毀訖戒牒發下架閣庫權行收去

訖贓之物合还官主者於此開寫

寧

一將事主省會寧家去訖若主未微償命錢者即去聽候徵償去訖

一將提事人甲省會寧家聽候給賞去訖

一將干連无罪人某省會寧家去訖

捕

一據未獲在逃賊人某行下合屬常川收捕去訖

還

一將某官發下某處依舊還職去訖軍別還軍余人還後去訖謂无罪者

保

一據某人狀招如何有失查察罪犯行下本司縣招保知在去訖

配至徒罪人今亦申部

一將某人依舊收禁聽候配役去訖

禁

一將犯重刑人甲送獄牢固收禁聽候符文施行

右具如前所據歸勘到前項情款並是端的保結是實伏

中書刑部 詳酌施行謹具申

聞謹錄狀上 牒件狀如前謹牒

年 月 日 依式

鈔校書籍

職官吏員

一職官補充吏員至大元年五月十八日

皇帝聖旨裏中書省近

奏准今後內外的諸衙門令譯吏通事知印宣使有出身人等於內一半職官內選取欵此除欵依照會外札付吏部議得前項補選吏員除都省自行依例選用外六部令史本部置立文冊開寫元設額數遇闕職官與籍記部令史相參發補合用一半職官從各部自行選用其各部元呈准選用令史擬合革撥通事知印例從長官選保遇有二名亦須職官內選保一名譯史除職官內選用外余者於

都省曾經翰林院試驗發補書寫典吏考滿人內揆次上
名補用不敷者從翰林院發補奏差亦於職官內選用一
半餘者於籍記應例人內發補相梯衙門依上選補歲貢
人吏止依已擬在亦後聽候二品衙門依前置簿開寫額
設員數遇闕職官與見後部令史相參發補職官從本衙
門自行選用宣使亦於職官內選用一半餘者於本衙門
考滿典吏各部後見奏差上名內揆次發補知印怯里馬
赤例從長官選保過有二名亦須職官內選保一名譯史
除於職官內選用一半餘者於六部見後譯史揆次上名
發補不敷數目從翰林院選發相梯衙門亦依上例補用

開呈照詳都省議得六部令史如正從九品不敷正從八
品內亦聽選取餘准部擬除外咨請照驗依上施行

行省

今史正從八品得替有解由无過文資流官內選取
考滿驗元來資歷擬陞一等止注元任地方雜職不
預先具脚色咨准都省明文然後收俸若所舉不公
罪及當該首領官吏雖有後過月日别无定奪

通事譯史正從八品文資流官內選取識會蒙古回回
文字通曉譯語考滿驗元來資歷上擬陞一等止注
元任地方雜職不預

宣慰司

今史於正從九品得替有解由无過文資流官內選取
考職滿驗元來資歷上擬升一等止注元任方地雜
職不預

譯史通事於正從九品文資流官內選取識會蒙古回
回文字通曉譯語考滿驗元來資歷上擬陞一等止
除元任地方雜職不預

知印於正從九品職官內選補考滿依例注授雜職不
奏差於得替有解由无過從九品職官內選補仍湧色
目人漢人相參考滿於元來資歷上陞一等止注元

任地方雜職不預

一選取職官令史一至大二年六月行臺准 御史臺咨

承奉 中書省札付吏部呈奉中書省判送部呈至大元
年五月二十六日奉 中書省札付近

奏准今後內外諸衙門令史譯史通事知印宣使有出身人
等於內一半職官內選取欵此除欵遵外本部議得都省
省掾於正從七品得替有解由无過并見任不滿及已除
未任文資流官內選取考滿於應得資品上擬陞一等止
除元任地方雜職不預臺院并行省二品衙門令史於正
從八品得替有解由无過文資流官內選取須歷一考於

應得資品上陞一等止注元任地方雜職不預又六部斷
事令史正從九品得替有解由元過文資流官內選取考
滿於應得資品上止陞一等止注元任地方雜職不預寺
監等衙門並依上例選取奉此已經通行各處照會去訖
今各部選到職官令史文炬等俱係已除未任若令依上
選取俱稱別元相應得負緣本部到選官員亦元相應人
數以此參詳今後臺院行省二品六部等衙門令史若依
省掾例於得替見任已除未任相應流官內選取庶不耽
悞官事如蒙准呈本部遵守呈奉省判議得除得替未曾
給由見任未經注代已除急缺去處外余准所擬送吏部

依上施行仍行移合屬照會奉此本部除已通行各處依
上施行外具呈照詳都省仰照驗施行

一保舉官員書吏至大四年六月二十日

御史臺

奏前者

上位奏了交老的每臺裏聚着臺家的廉訪司的勾當商量者
麼道

聖旨有呵俺與老的每一處商量來的勾當內一件監察每廉
訪司官司人每但凡勾當行的官人每根底保舉呵他每
行的實跡元保官的名字體覆官的名字寫將來者監察
每廉訪司官人每滿河任內保了這些人解由內開寫將

來者每保的好呵添與好他名分充了呵點降他每的名分委付這般呵覩面皮的也无好人也得可怜見呵這般行呵怎生

奏呵那般者麼道

聖旨了也一件廉訪司書吏每如今一半職官內選用有不到呵教授學正內選用一半秀才吏例員相叅委用這人每交文資管民正官選保廉訪司官人每體覆得好呵委付者這般選用的人每做罪過呵元保來的管民官體覆來的廉訪司官人每他每也有罪過者依本分行的年月滿呵依在先體例裏九品內委付做書吏的教授學正根底

優減月日呵怎生

奏呵那般者麼道

聖旨了也一件老的每說蠻子田地裏當戶每多書吏每蠻子人內委用有資那富戶每來往勾當裏室有碍雲南海南兩廣邊遠地面漢見人少這四處書吏依先在體例裏委用除那的外別過廉詞司書吏每漢人內委用蠻子書吏每草罷了他每根底別個勾當裏委付呵怎生

奏呵那般者麼道

聖旨了也欽此具呈照詳都省咨請照驗欽依施行

皇慶元年六月行臺准

御史臺咨來咨各道廉訪司申

并監察御史呈俱為選取書吏樞管路府州縣正從九品及教授學正別无相應人員急缺書吏一百余名若令奏差公學舉考試中程轉補書吏如曾充書吏轉入流品人內隣選及於憲臺典吏庫書子額設貼書并相應人內從優發補或書院山東兼收錄用又照得先為缺書吏已咨未准回示今據見呈看詳江南事體與腹裏不同學官更出身多係南人又職官取充者正理流官月日路吏儒人充書吏便入流品委是偏負路吏九十月考滿方授典史都吏目提空案續歷涉年深始履進階稍有碩籍若於此等入內與監察御史見呈通行選取庶几使不泛人官无

廢事實為便益緣係

奏准事理咨請回示准此於皇慶元年四月十七日

奏過事內一件各道廉訪司書吏一半用職官那一半般裏頭

用秀才吏員的每教管民官選保廉訪司體覆了呵委付麼道去年這般

奏了來如今行臺各道廉訪司文書裏說將來因着這例窄的上頭多缺着人辦事有俺商量來依着舊行來的體例斟酌定一個選取書吏的格式在前曾做廉訪司書吏的職官回避他无勾當來的道分并別個相應的職官三十個月取了无玷缺呵減他每一資又教授學正學錄并府

州提控案牘都吏目選着委用往充職官各理本寺月日
其餘歲貢秀才吏員依例選用又廉訪司奏差內臺行臺
與俸典吏行的好的一考之上選做書吏省得秀才文字
的係秀才數目省得吏員文字的做吏員數目似這般選
用呵怎生

奏河那般者麼道

聖旨了也欽此除欽遵外咨請欽依施行

令史

一收補行省令史至元二十二年正月御史臺承奉

中書省札付議得呈准行御史臺咨江南諸道行省戶口

稅糧科^課程造作等事實為繁重目今行省令史俱於各道

宣慰司令史內勾補多係帶行白身之人理合依例於六

六部令史內選取將見勾當令史一例迂轉為此送吏部

講究得都省掾及院臺六部令史選補陞轉已其定例其

各處行省令史尚在循習舊弊從各官自行踏逐恐所非

宜以此恭詳今將各處行省令史從新替換乞照詳事都

省議得江淮江西荆湖等處行省見設令史如遇闕員擬

將至元十九年四月以後咨發各省貼補月日人員先行
挨次收補更或不敷不許自行踏逐移咨都省於六部見
後請俸令史內發遣補充或參用職官令史從行省於至
元十九年四月已後新附正從八品職官內選取其雜職
官不預仍具各人條細脚色移咨江淮西江荆湖占城等
處行省并札付吏部照會施行

一禁待闈令史至元二十七年行御史臺札付提監察御史
呈切謂周官以來有官必有吏胥蓋期會簿書斷獄聽從
訟非是人則不給也其選試多寡自古及今各有定制日
近之間江南大小諸衙門不思鷲鳥累百不如一鶚之意

其於吏員不為精擇依例選用往往推稱舊弊乞照詳事
得此檢會到至元二十二年四月二十御史臺事務忙併
額外令試驗人員係歷勾當侵官蠹民定於公私兩不便
當擬合照依累降

條制精擇有祿人員如委繁劇去處推復量加添試設禁章
試驗係歷又

奏過事內節該省部樞密院御史臺并別個勾當裏行的官
人每明白額設定喫俸錢的令史每賊說謊呵要罪過者
不喫俸錢的待闈令史也行要肚皮做賊說謊這般
奏呵今後這般待闈令史每休行者這般道了呵那般人却

行呵他那個衙門委付來的官人每根底要罪過者這般
聖旨了也這般了的後頭半個月以後背道地裏教人察者此
一選理問所令史大德五年二月行中書省准 中書省咨
江浙行省咨理問所令史未有選取定例已後有闕擬於
各路三考司吏給由到省入內公選儒吏兼通年四十五
歲以下者補充咨請定奪准此都省議得今後行省理問
所令史有闕從本省於各路考滿司吏內遴選有解由无
過犯年四十五以下者克歷一考轉補各道宣慰司令史
及於本省諸^請俸一考之上典吏內選取再歷一考依上一
體轉補違例收克者雖役有過月日別无定奪除已咨江

浙行省照會外咨請依上施行

書吏

一察司書吏休與省裏勾當至元十六年四月 行臺據江

西湖東道按察司申本書吏雷守信蒙 行省踏逐充省

掾勾當移准

御史臺咨該照得至元十四年五月十五日本臺官

奏俺御史臺裏監察裏按察司裏勾當的人每勾當其間裏

省家俺根底不商量了呵勾當得麼道便遠處使喚有奉

聖旨這的休疑惑者您根底勾當的人每您根底不商量了呵

休與者欽此

一書吏事故還家本道不道就用至元十六年七月行御史

御史臺咨該照得近為各處并迤南按察司書吏人等有應病故還家係申本道按察司就用本道臺緣南為迤南剏立行御史臺外按察司多係迤比人員為處在遠方有因病故還家本道就用若准就用中間使俸不无抑且失候彼中勾當已將似此人員革去咨請行下合屬照會施行一更換申書吏申臺至元十九年二月 行御史臺准御史臺咨書吏有關於月日深遠書吏內精選廉幹才能有功无過者補充准此照得本臺别无各道書吏月日文簿有礙照勘仰照驗即將本司見役書吏勾當根脚公叅月日開具申臺仍已後續有更換隨即申來

一收補書吏奏差至元二十二年九月行御史臺近據浙西道按察司今史所有奏差合无補宣慰司奏差今史所有奏合无補宣慰司奏差事得此移准御史臺咨呈奉中書札付送吏部議得按察司奏差亦合依准御史臺所呈遇宣慰司奏差有闕回避本道收補相應都省議得按察司書吏奏差擬令一体回避本道收補除另行外仰照驗施行

一保選憲司書吏至元二十二年十二月御史臺承奉中書省札付江淮按察司書吏等出身事送吏部議得到近裏按察司体例各道遴選廉能不作過犯書吏每歲貢

舉一名轉補書吏或於南方各道宣慰司令史內收補外
用不盡書吏實歷九十個月於各路總管府提控案牘內
任用其書吏有闕却於各路府州司吏內選用憲臺相度
若令本道書吏補充本道宣慰司令史中間凡事不死者
循切恐日久害公仰照驗除遴選廉能不作過犯書吏歲
貢轉補書吏外就便移牒本道拘該宣慰司今後如遇令
史有闕即便行移按察司備申憲臺所候發補外用不盡
書吏候考滿日申臺定奪施行
一試選書吏條目至元二十六年九月 行御史臺札付照
照得本臺察院并各道按察司職掌糾彈官吏非違刷磨

諸司文案為書吏者其責甚重貴在得人倘選擇不詳中
間悞事所係非輕又廉書吏出身將來必登臺察不然亦
列民官選取之法不宜不慎議得今後發補察院本各道
書吏當面試驗首論行止次取吏能又次計月日多者為
優併給呈臺然後發下合屬委用今將試選條目開坐前
去合下仰照驗施行

- 行止 事父母孝 友于兄弟 勤謹 廉潔
- 謙讓 循良 篤實 慎默

自來不曾犯贓私罪經斷

- 吏能 行遣熟閑 語言辦理 通習條法 曉解儒書

算數精明 字畫端正

月日通理繁歷請俸實役月日多者為優淺短為劣
一廉訪司書吏出身至元二十八年七月御史臺呈奉

中書省札付來呈各道廉訪司書吏於各路上名司吏內

選取九十個月考滿正九品正叙參詳各道廉訪司通譯

史人等出身比之書吏擬合一体據奏差考滿依通譯史

例降二等量於省札錢谷官并巡檢內任內都省准呈

一勸農書吏出身至元二十八年八月山東東西道按察司

申先奉

中書省札付為未有程試吏員格例定立貢法舉度各道按

察司上路總管府三年一次貢舉儒吏各一名下路總管

府二年貢舉儒吏一名遞相籍記姓名遇部令史有闕收

補比來各路貢到人吏多有濫泛都省議得若令隨路司

吏并歲貢儒人先行貢補按察司書吏經由肅清衙門練

習性行諳知吏事然後按察司貢舉將來庶得人才外據

按察司書吏有闕却依上下路分在先貢部体例選取儒

人吏人是以吏業經史考試不失隨路貢舉元額等事除

遵依外今奉御史臺札付准大司農司咨前觀農司書吏

李思述并奏差張思恭等係格例有出身人員請依例於

本道奏差書吏內遇闕收補事准此仰照勘各人委係格

例額設請俸勾當人員別无窒碍通犯依例施行奉此照
得勸農司即係四品比同上州掾李思述等俱係前勸農
司自行踏逐人員於內亦有聽知例革衙門補充書吏不
曾請俸雖在前曾於州縣勾當其脚色多稱告閑若依
見定書吏奏差格例未應轉補擬合發付元藉府州充司
吏勾當待其練事習熟却行選入風憲延歷歲月依例剪
奉但望庶得人才乞照詳事本臺除外咨請行下各道若
有此等未應轉補人員准上施行

一憲司書吏奏差至元二十九年閏七月承奉 行臺札付
監察御史呈准 福建廉訪司簽事張承直牒照得各道

肅政廉訪司糾彈諸司官吏非違提調成就一切勾當責
任至重司官固在得人至於書吏奏差名役雖微亦關風
憲如有名缺例於合從公選舉今有各路總管府看循面
皮或因請托求幹並无廉訪司選保牒文徑將見役及在
閑司吏典史不應之人泛濫牒呈區用偶遇一缺群然爭
趨其間營幹不无內有不識公事声迹不好者止憑牒保
不經体覆相應便行補填使諸衙門輕視无所忌憚耽悞
勾當不能辦集既本人素无廉耻有玷衙門又使廉能之
士耻於同列實失風憲之体卑職切詳各路司吏尚且牒
呈廉訪司体覆廉訪史書吏奏差有缺擬合行移各處分

司於本路上名司吏及典史內從公選保總司體覆相應
然後委用如總司親臨路分有合補之人亦移牒所在官
司或相隣分司體覆各路總管府並不得擅自保舉庶几
可絕僥倖之門以清風憲之司牒請照驗事呈乞照詳得
此照得近准 御史臺咨各道肅政廉訪司書吏於各路
總管府請俸司吏并歲貢儒人內詢衆從新公選奏差於
州何更司縣典史內遴選已經遍行各道依上施行去訖
今據見呈相度如准簽事張承直所言實為公當仰如遇
書吏奏差有缺依例選取行移拘該分司體覆相應保結
牒司收補施行奉此除已依上施行

一宣使奏差等出身至元二十九年十二月江南諸道行臺
准御史臺咨承奉 中書省札付來咨內外諸衙門宣使
通事知印奏差俱從本衙門自行選保考滿驗歷過月日
六品至九品皆得除受又吏部與六部四六發補奏差各
部官將帶白身人自行選用互相爭奪致官令俺不協即
今職官係有考滿吏員選用既吏員等俱有入仕定例通
事知印宣使奏差並合立格慎選具呈照詳送吏部照擬
到下項事理仰依上施行

宣使行省行臺行院宣使擬令於各道宣慰司請俸一
考奏差本衙門兩考典史內選補相應都省臺院咨

發人員不拘此例

前件議得行省行院宣使於正從九品有解由无粘帶
職官內選取如是不敷於各道宣慰司請俸一考之上
奏差本衙門三考典吏內選取行臺止於正從九品職
官內選取行臺不敷於各道廉訪司請俸三考奏差內
并本衙門三考典吏內選取仍須色目漢兒相參選取
自行踏逐者亦須相應人員考滿例降一考須歷九十
個月方許出職

奏差六部奏差照得至元二十四年三月內 尚書省准
擬提控案牘都吏目於各部奏差內收補部擬除已在上

項人員外合依已擬於宣慰司及考并廉訪司按察司
兩考奏差內選取不許各部自行踏逐

前件議得依准部擬仍須色目漢人相參選取自行踏逐
者亦須相應人員考職滿例降一考須歷九十個月方得
出職

通事知仰

照得循行舊例從各衙門自行踏逐選取部擬通事從
各衙門於本處宣使奏差內公選通曉蒙古言語人員
轉補知印依上陞轉如无相應者許本衙門自行踏逐
相應人員內選充

前件議得長官選保亦須相應人員九十個月方許出
一選廉訪司書吏至元三十一年御史臺咨承奉

中書省札付來呈擬到各道廉訪司合設書吏奏差人數
坐到出身已經照會去訖本臺相度各道前按察司書吏
奏差人等多為在先司官循私選取歛有因事取受賄賂
不慎行止之人致使憲司不振今既衙門更易尤宜選擇
本臺除已行下各道廉訪司於各路總管府請俸司吏并
歲貢儒人內新選行止廉慎吏事精明者立式試驗勾補
合設奏差亦依舊例於府州司縣典史內遴選施行
一書吏奏差避藉大德三年七月御史臺咨奉

中書省札付准准西江北道廉訪司乞石烈卒等呈近蒙
差委歛賚

詔書前去江西行省等處開讀除欽依外近為江西行省所
轄路府州司縣司吏多係吏業不通行上不廉苟非上司
分付即係買屬承說又與所部之民非其親故則字仇嫌
假公行私縣吏暗分鄉都州吏分縣府吏分州起喊詞訟
久占衙門敗壞官事殘害良民為此已與行省一同議擬
遍行合屬州縣司吏於本路所轄州縣內避藉近轉路史
吏於本省所轄路分避貫近調外據各道廉訪司書吏奏
差職役雖微關係甚大均係本道接治路分前後司吏選

取其源既非精選其流似難得人各人深知土俗奸弊暗與路府州縣官吏相通或為容隱或為透泄遇有詞訟恣意起滅把持官府實為傷公害事若將各道廉訪司書吏奏差避道迂調不惟於事有益實去吏弊之大端具呈照詳都省議得除路府州縣司吏依准已行外處各道廉訪司書例奏差回避元籍一即甚為允當依准所擬仰依上施行承此照得先為各道書吏回避本司分治元籍路選用務咨行臺及下各道施行

一考試廉訪司書吏等例大德七年十月行臺准承

御史臺咨提監察御史呈切惟廉訪司受耳目之寄署路

府之右責任予至重古今號曰外臺選官固在於得人而選吏尤戒於匪人今各道按部寬遠官吏數多政繁事冗文案堆積間或司官精力不逮別其應行事務未必不由書吏倘吏司官乍居風憲未能盡諳事體而操縱尤出於輩之手蓋用得人可以裨贊其事用匪其人則以是為非以私公過悞錯失豈能无之况兩臺察院書吏有例於各道勾補且廉訪司按治宣慰司路府州縣而監察御史分守省部寺監刷磨諸司案牘糾察官吏非違別利害舉刺賢否奉行之吏其責尤為不輕由此觀之選用之際可不慎欵大抵吏人一湏行止可觀二次湏吏事熟閑若更涉獵

經史以儒飾吏可為全才然全才罕得有能於儒吏中精
通一事者用之公選之當亦足為衆推服比年各道廉訪
司委用書吏少由各路貢舉多致司官議論不同甚而情
意不協當此首領官未見裨補各相回獲容忍縱有選之
應例又以循情考試不精所以用多泛濫少得實才非惟
无補憲司切恐將來歲貢察院何所取材宜謂今後廉訪
司書吏有缺照依元例從各路貢舉行移本司文資官體
察行止廉慎才堪風憲然後勾取到司更為委官立題守
試考中程式方許收補仍將試中程文繳連在案用印闔
防以備照用如後監察御史復叅得稍有不應罪及試官

并判署官吏如此則舉用无私裨贊有益異時由臺司而
貢察院均藹得人之譽可无乏才之嘆如或各路司吏試
補不應用非實才從廉訪司嚴加体究似望彼此各得其
人具呈照詳得此本臺議得各道廉訪司書吏有欽依例
於所轄路分見役司吏并歲貢儒人內遴選行止廉慎才
堪風憲之人委官体察相應勾取到司摘文資正官立題
守試考中程式收補中臺如後不應罪及体察試驗官并
判署官吏若各路收補司吏用非實才廉訪司体究革去
庶望各得其人除外咨請依上施行
一臺察書吏出自至大三年 月御史臺近為察院并各道

廉訪司書吏名微俸簿責辦非輕犯罪比常人加等為此
於至大二年三月初八日本臺

奏過事內一件監察廉訪司裏行的書吏每年分月日滿呵
九品八品裏委付來在後省官每故意沮壞臺綱的上頭
將先伏定立來的體例改於了年分月日滿呵部令史裏
各路裏的提控案牘裏委付有俺尋思來耳目衙門裏和
俺一處做伴當掌管着大勾當有似這般他與根底若不
與身出呵不宜的一般有麼道說有俺商量來他每說的
是有呵恰見呵俺省裏與文書依着

薛禪皇帝時分立定的體例裏交行呵怎生麼道奏呵奉

聖旨那般者欽奉此具呈 尚書省照詳去後今承奉

尚書省札付送吏部通行議擬今據本部呈至大二年九

月十一日欽奉

詔書內一疑節該中書外吏員人等欽依

世祖皇帝定例制以九十日為滿欽此議擬到下項事理開呈
照詳都省仰照驗依上施行

一各道廉訪司書吏至元二十八年元定出身依例貢

部補察院書吏貢補不盡人數自廉訪司為始理算

月日考滿擬正九品內迂用又大德四年二月議得

廉訪司書吏實歷請俸九十月擬正品銓注任回添

一資歷陞轉大德元年三月初七日已後入廉訪司人吏九十月考滿如死過犯歷提控案牘一任於從九品內選用通譯史比依上例定奪

前件議得各道廉訪司書吏若依舊例貢部緣即日籍名記排數多與職官相參數年發補不書如蒙權且住貢止將上名轉補內臺察院書吏其轉補不盡人數此詔書事理以九十月為滿於正品叙用通事譯史亦依上例定奪今後書吏有闕亦合一体於正從九品无過犯文資流官內選取一半相參勾當理流官月日雜職并元係書吏出身者不預用月日未滿者依例貼補相應

一察院書吏至元二十八年十二月元身出於各道廉訪司內選取三十月貢部九十月從八品選用不係廉訪司書吏取充者四十五月轉部補不盡九十月考滿降五一等正九品選用大德四年二月議得先役書吏實歷請俸九月十月依已定例出身選用回添一資歷陞轉大德元年三月初七日為始入勾當者止舊依轉部前件議得察院書吏如係廉訪司書吏補充者須歷三十月轉部不係廉訪司書吏取充者四十五個月轉部若有年高不任簿書願不轉部者依詔書事意通理九十月於從八品內任用相應

行臺察院書吏至元三十年正月元定出身於廉訪司書吏內選取歷一考之上轉補江南宣慰司令史并內臺察院書吏補不盡人數九十月正九品江南迂用大德四年二月儀得先後書吏實歷請俸九十月依已定出身迂用任回添一資歷任補大德元年三月初七日為始初入勾當者止依旧例轉補江南宣慰司令史比人貢內臺察院書吏前件議得行臺察院書吏如係廉訪司轉充者歷三十月許補江南宣慰司令史比人貢內臺察院書吏貢補不書人數欽依

詔書事意與廉訪司書吏月日通理九十月正九品叙用相應

典吏

一取補用省典吏大德八年四月初二日江西行省准中書省咨河南行省咨左右司呈備本司即中馬哈馬奉議關本省見設典吏八名在前憑准令史人等白狀於典吏內舉保籍記收補繼准部省咨該理問所令史有關於各路无過有解由司吏并本省一考典吏轉補歷三十月發補各道宣慰司令史又循行例縣吏及考轉補州吏一考之上者轉補路府司吏歷九十個月照依定例得吏目兩考陞都目一考陞提控案牘再入三考才方入流正從九品內迂除前後不過三十年却緣白身補充典吏才及

一考便補理問所令史歷三十個月轉補各道宣慰司令史考滿於正從八品內遷除看詳其名雖輕出身至重設若補用不諳吏事若此路府司吏實是爭懸合无將不曾歷仕根脚淺短之人革去各路兩考之上并散府考滿有解由司吏遴選諳練官事之人補充歷三十個月轉補誠為相應緣係通例咨請定奪送吏部照得行省典吏例從各省就便委用今承見奉叅詳合准本省所擬回咨依上施行得此却省議得行省典吏依准部擬於各路兩考之上散府考滿有解由司吏書策熟閑諳練官事或四書內科一經通大義者選充依例陞轉除外請依上施行

一行省寫發人員大德元年七月批監察御史呈照刷河南江北等處行省文卷刷照省掾人等保舉寫發典史具呈左右司備呈行省發充路府司吏運司書吏及省掾徑直各處保呈本衙門以別无見缺申稟行省又札付遇缺收補各人不見歷仕俸目其選取路府司吏已有定例各衙門保到人員亦常禁約行省不應發補除當該首領官吏違錯別別行取問外乞照詳呈奉中書省札付送吏部照擬得各路司吏有缺於所轄請俸州司吏內選補府州司吏有缺於縣司吏內選補今河南省將寫發人發充運司書吏路府司吏依例未應宜准御史臺所擬革去相

應都省准呈

譯史通事

通事譯史出身至元二十年九月御史臺承奉

中書省札付來呈定奪各道按察司奏差通事譯史出身

送吏部照得至元二十年正月初九日呈奉省判河東山

西道按察司譯史同書八刺脫因勾當七年造告迂議得

按察司譯史同書吏出身又書吏除貢不尽外九十個月

應得提領案牘其譯史八刺脫因不係吏員於巡檢內任

用呈奉 都鈎堂旨准擬施行本部議得除奏差已有定

例外據通事九十個月考滿與譯史一体擬於巡檢內任

用相應都省准呈施行

一令譯史人等未考滿不得近調至元二十二年八月
行史御臺准御史臺咨呈奉中書省扎付契勘省部諸衙
門應干請俸錢人員未及考滿俱各近調往往轉入流品
以致員多闕少不能調選都省議得據自今後省部臺院
請俸令譯史通事宣使奏差人等及諸衙門見勾當有出
身人員未滿九十個月不許預告近轉依上施行

一譯史宣使未滿不替元貞元年十二月行御史臺批監察
御史呈切見行省行院行司農司行泉府司行通政院各
道宣慰司等衙門令譯史通事知印宣使奏差俱有出自
寺弟不可造次在前雖有定例其省官人寺到任之間不

問月日滿與不滿更換无常收補頻併將不將應人數項
要安插吏部每歲敕入流品者近及千員豈惟選法壅滯
抑且人人以其易得不肯廉慎蠹害人民乞照詳事得此
移准 御史臺咨呈奉 中書省扎付該照得各衙門令
譯史人等已有選取定例考職滿吏部勘會元過照俸相
同辨驗元為方許定奪未滿者不得无故替罷即係已定
事理今批見呈仰照驗若有冒濫作與更換補替不應依
例体察施行

一令譯史未滿不体候大德元年六月江西行省准
中書省咨部御史臺呈体候職官并德行才能及隱悔不

仕等已有定例外批令譯史奏差宣使人等例須考滿遷轉各處未經保奉似難體覆具呈照詳得此都省准擬咨請依上施行

一各州不譯史設大德二年十一月江西行省近為吉州等路

初設州司去處不見合无設立譯史移准 都省咨該送

吏部照擬得各路所轄州郡例不設立譯史請照驗施行

一譯史令史等出身天德三年四月御史臺承奉 中書省

札付照得大德元年三月初七日

奏過事內一件中書省樞密院御史臺等諸衙門行的通譯

史令史知印宣使人等先九十個月日為滿勾當裏委付

來這般委付呵陞轉的成疾有員多闕少的緣故因這般有今後添三十個月教一百二十個月為滿應得的勾當裏委付呵怎生奏呵奉

聖旨那般者欽此已經照會去訖都省得議內外諸衙門有出身通譯史令史知印宣使人等如係大德元年三月初七日奏准格例已前請俸勾當照依舊例通理九十個月為滿遷除已後補者欽依

聖旨事意實應請俸一百二十個月日為滿仰照施行

一路譯史出身大德三年五月准 中書省咨吏部呈照得各路司吏九十個月於吏目內任用譯史九十個月歷務

提領一界於巡檢迂叔又大德九年三月初七日奏奉
聖旨節該如今蒙古文字學的多是回回畏兀兒人有今後不
爭等依例委付蒙古人依先体例爭一寺委付欽此今來
議得各路譯史若循上例陞轉比附司史似涉大優參詳
除蒙古人合依舊例其余色目漢人實役九十個月應務
使兩界陞巡檢似為相應如准所擬本部為例遵守具呈
照詳都省議得各路譯史如係翰林院選發人員九十個
考滿除蒙古人依准所擬外其余色目漢目先歷務使一
界陞提領一界於巡檢內迂用除外咨請依上施行
一府州譯史轉補路譯史至大元年三月江西行省准

中書省咨江浙咨松江府譯史江忙兀歹請俸九十個月
考滿本省參詳各路譯史於務使內任用據散府上州終
无陞轉通例除將江忙兀歹比附各路譯史於院務都監
內委用外請照驗送吏部議得腹裏散府上州司吏挨次
上名轉補各路司吏其請俸譯史若准比依二例一体轉
補各路譯史似為相應如蒙准呈本部為例遵守都省准

宣使奏差

一 通事宣使等出身至元二十五年四月江淮行省准

尚書省咨吏部呈奉省判本部元呈議擬內外諸衙門有出身令譯史通事知印宣使奏差人等例草出身等例已經准擬除相關符外下行移照會外據下項衙門別无行移具呈照詳都省除外開坐務咨照會施行

一 內外諸衙門經值例草有出身令譯史通事知印宣使奏差人等本部議得若依已往至元十九年例定奪即目員多闕少不能迂擬自至元二十四年正月初一日為格限內外諸衙門上項人員經值草例若

實請俸內考之上者定奪迂叙如月日不及或因病
故作闕並令貼補月日如不滿三考各衙門不許无
故替罷外格前例革人員比附至元九年例定奪
前件議得上項人員若及兩考者准上施行

一內外諸衙門有出身見役令譯史本部議得上項人員
於內如有別无五十以上者若係病疾不能簿書本
衙門相驗保勘是實中間別无窺避如蒙比附至元
九年例革例年月日定奪迂叙相應
前件議得上項人員若及年五十於本衙實歷一考之
上陳告精力衰微不任簿書勘當是實准上施行

一宣使奏差等出身至元二十九年十二月江南諸道行臺
准御史臺咨承奉 中書省札付來咨內外諸衙門宣使
通事知印奏差俱從本衙門自行選保考滿驗歷過月日
六品至九品皆得除收受又吏部與六部四六發補奏差
各部官將帶白身人自行選行互相爭奪致令官僚不協
即今職官係有滿考吏員選用既吏員等俱有入仕定例
通事知印宣使奏差並合立格填選具呈照詳送吏部擬
到下項事理仰依上施行

宣使行省行臺行院宣使擬令於各道宣慰司請俸一
考奏差本衙門兩考典吏內途補相應都省臺院咨

發人員不拘此例

前件議得行省行院宣使於正從九品有解由无粘帶
職官內選取如是不敷於各道宣慰司請俸一考之上
奏差本衙門三考典吏內選取行臺止於正從九品職
官內選取不敷於各道廉訪司請俸三考奏差內并本
衙門三考典吏內選取仍項色目漢兒相參選取自行
踏逐者亦須相應人員考滿例降一考項歷九十個月
方許出職

奏差六部奏差照得至元二十四年三月內尚書省准
擬提控案牘都吏目於各部奏差內收補部擬除已准

上項人員外合依已擬於宣慰司及考并廉訪司按察
司兩考奏差內選取不許各部自行踏逐

前件議得依准部擬仍項色目漢人相參選取自行踏逐
者亦須相應人員考職例降一考項歷九十個月方得出
通事知印

照得循行舊例從各衙門自行踏逐選取部擬通事從
各衙門於本處宣使奏差內公選通曉蒙古言語人員
轉補知印依上陞轉如无相應者許本衙門自行踏逐
相應人員內選充 前件本衙門議得長官選保亦須
相應人員九十個月方許出職

補用宣使大德八年十月行臺准 御史臺咨承奉

中書省札付先為各省宣使預保守關待闕濫用不應議得合驗減定額設人數一半照依舊例公同參取一半從行省官於廉幹行止練達官事不作過犯相應人內選充仍須色目漢人相參不須再行咨稟已經照會去訖今照得行省咨保宣使多係白身無職役人等愈肆濫都省咨發人員到其餘應補人數照依元符依例挨次參補自行踏逐人等不許控轉常選窠闕除已移咨各省照驗外仰照驗如有不應收補之人就便體察施行

廉訪司奏差州吏內選取至大元年三月 行臺准

御史臺咨奉 中書省札付來呈燕南河北廉訪司至元二十二年各道按察司奉差有缺於縣典史州司吏內選取九十個月考滿於都目內任用照得本司奏差黃世斌元係祁州司吏選充前後勾當九十月考滿別无出具身定例具呈照詳送禮部照得司縣典史元係各路差設大德六年呈准省判本部注授都吏目若无窠缺於典史內借注任回各理本等月日今承見奉再行議得今後廉訪司奏差有缺州司吏內選補考滿依上例都目內迂用違例補用之人別无定奪如蒙准呈札付 御史臺照會相應都省准擬仰依上施行

司吏

一人吏優假讀書至元九年八月中書省判選御史臺呈據
陝西四川道按察司申該准按察司覃嘉議牒切見府縣
人吏幼年雖曾入學僅至十歲已上廢棄學業輒就吏門
中書寫文字禮義之教懵然未知賄賂之情循習已著日
就月將薰染成性及至年紀成長就於官府勾當往往受
贓典曲法遭罹刑憲不可勝數詳此蓋因失學未常讀書
心術不正所致今後各處人吏若於簿書優假之際從各
處官長拘鈐就有道師範教訓兼之讀書但能涉獵一經
一史參通義理足以正心修己革去趨利循習之弊庶几

誣養成材其總管府責貢舉吏員合无取兼通經史者充
外路州縣人吏仍令按察司巡按遍歷更為体訪若委能
儒吏兼通謹慎行止不作過犯者為眾推服之人保明薦
舉加以不次之選如此激觀使人去惡向善似為長便送
吏部議擬得此亦為善之事如從所請似為相應都省准
此仰照驗依上施行

一額設司吏至元二十一年 月 江西行省先為各路司
縣民戶繁多詞訟冗併成造海船和買一切諸物催徵子
粒糧斛理斷罪囚一切忤併若依腹裏司縣額設司吏數
目不敷為此與按察司官一同議擬除路分別无定奪外

據司縣額設司吏照依腹裏額設數目每一名添設一名
相副勾當别无俸給止除本身雜泛差役挨次收補移咨
中書省照詳去後回咨該路府州縣司吏已有定額咨請
施行准此今開坐前去合下仰依上施行

總管府司吏 上路三十名 中路二十名 下路十五名
各縣司吏 上路六名 中路五名 下縣四名

錄事司司吏四名

一選取司吏大德元年六月 行御史臺准 御史臺咨監

察御史呈河南河北等處行省寫發充路府司吏不應等
事呈奉 中書省札付送吏部照擬得各路司吏有缺於

所轄請俸州司吏內選府取州司吏有缺於縣司吏內選取相應 都省呈准

一近轉人吏大德七年七月 日江西行省准 中書省咨近據問民疾苦官呈江西省咨所轄路府州縣司吏即係土豪之家買腐承充外而交接權豪侵蠹民產內而持官府捏合簿書本身為吏兄弟子姪親戚人等置於府州司縣寫發上下交通表裏為奸起滅詞訟久占衙門不肯出離鄉土但遇新官到任多方揣摩必中奸計倘不清政者不得而入有貪邪之官初緣小利侵入不經旬日便作腹心委以家事浸潤既深搬唆同僚改壞官事殘害良民吏

弊之大莫甚於此議得路府州縣司吏於本省管下地內避貫迂轉各道廉訪司書吏奏差避道迂調實去吏弊之大端都省議得路府州縣司吏依准已行外據各道廉訪司書吏奏差回避元籍依准所擬札付御史臺依上施行去訖續准江浙省咨及問民疾苦官宣慰司廉訪司言路府州縣司吏多事土人自貼書而為縣吏陞至府州路吏一有二十個月為滿職官三年一任司吏十年方迂則是司吏一界更革職官四任也吏人既久人亦熟在縣分管鄉都科差訟詞公行賄賂變是為非那上攢下悉由於已使親戚盤優鄉都省影占人戶走變田糧脫放盜賊私和

人命无所不非作今既增添俸米粗可養廉若將此等
吏避貫迂轉相應又據吏部備河東宣慰司言路府州縣
司吏職役雖微所係甚重事務无大小无不由之設使判
署官首領官尽通案牘簿書繁冗豈暇一一親行檢視是
以處事昏混口覆善者由或廢几非其人則與民為害何
以言之遇可科差別高下其手以致賦役不均詞訟變亂
是非連年不決和雇和買放富差貧要一科十刑名曲直
不分刑獄枉濫受賄為非欺公害民不能遍舉司縣貼書
民家子弟總及十四五歲托吏役充影占門戶久則接識
識官員把持司吏官司差遣不到矣已身安然為要无所

忌憚議得路府州司吏但有不應之人發充元役依例勾
補司縣司吏於本處當差戶內詢眾公選不作過犯通曉
書算信實之人充役舊有貼書尽行革罷從新於本處當
當差戶內選保但有所犯罪及保人司吏貼書本戶合着
差科與民一体應當違者罪及判署官送本部叅詳若從
所言誠為允當送吏部通行議擬得路府州縣人吏名役
雖微親民至切既諸道問民疾苦官并行省俱言迂轉可
革吏弊量其可宜合准所言今擬除上都留守司并大都
隆興兩路及所轄府州司縣即係應辦去處近後定奪其
余路府諸州司縣人吏俱以三十個月為格照勘別无粘

帶過犯迴避籍貫勘酌遠近互相移轉違期不迂即調者
從各道廉訪司常切糾治外據父兄年弟男上下衙門勾
當之人並行迴避具呈照詳得此照得至元十三年內即
路府州縣司吏已嘗迂調至元三十三年因東平路言取
勘軍需錢糧當行人吏推稱不知首尾不見元行文卷其
間埋沒迂到人吏俸微不能養廉事為未便札付御史臺
議擬得路府州縣司吏不迂則挾久任之權公為不法迂
轉則逃奸之路恣意為非論至於此則知為治之道唯在
於得人與否不在迂與不迂也是時都省准擬已迂人吏
聽逐元籍依舊勾當近為小吏祿簿已經添給俸米今據

見呈都省議得吏人久役其弊多端積習年深不容不改
今既眾議僉同准所擬除大都上都隆興三路近後定定
奪其余去處驗額設員數請俸已及二週歲者挨次先迂
一半來迂者與迂到人吏相兼勾當候期年依上循迂已
轉到役人數皆須歷四五月為限別无求罪再行移轉
他處委自首領官親臨監視交割元管文卷完備依上發
遣但有脫漏未交事件止着見管人吏仍將當該首領官
吏量情責罰吏雖迂轉久占衙門主案貼書依舊在役宿
弊難除及各官門下久役面前首領管勾提控扎戛人等
无不蠹民害政並仰革去禁治无得再入公廨隨逐各官

開具姓名住貫榜示通衢常川曉諭違者許諸人拿捉痛
行決斷如所在官司循情不行禁約亦仰究治於內若有
除差人數依例申准於相應戶內補授換除外咨請依上
施行

一隸行省各道宣慰司路府諸州人吏申覆行行省
調各路所轄府州司縣人吏聽本管上司移轉仍先
具見役人吏各籍貫脚色俸月保勘開申以憑斟酌
酌地理遠近分俵立限近調遇路府州吏有缺依例
於所屬請俸人吏內從上勾補司縣司吏聽本處耆
老上戶人等於槩管戶內詢眾推舉姓行循良廉慎

无過儒通吏事吏曉儒書者補充无得將不諳儒吏
不應之人保重无如違罪及元保年終依例交案

一路州縣吏勾當大德八年湖廣行省准 中書省咨御史

臺倫監察御史呈端本澄源寺事札付吏部與集賢翰林

國吏院一同議擬到事內一件隨路補用吏員賄賂不公

此吏弊之源也擬合令各路先將州吏公叅月日籍為一

簿府吏有缺從上勾補州吏有缺亦聽本州依上籍記司

縣人吏從上勾補使人得由公道而進不犯其本庶可責

廉息弊本部議得如准所言誠為允當都省咨請依上施行

一試補司吏大德十一年江浙行省准 中書省咨該御史

臺呈燕南河北廉訪司申照得至元十四年承奉御史臺札付各路司吏有關涉於所屬衙門人吏內先行進行止廉慎次論人材幹辦然後勾取委本路長官叅佐同儒學教授立題考試擇行移有法算術无差字畫嚴謹語言辦利詩書論孟科通一經者為中程式取考試官保明文狀然後補充本路本州司吏此外不許濫收違者有罪仰照驗施行承此今切見各路府州司縣民家子弟多不攻書雖曾入學方及十五以下為父兄者多令廢弃儒業學習吏文以求速進此所謂不揣其本而齊其末矣其於禮儀之教憤然未知賄賂之情循習漸著日就月將薰染成性

不數年間投托官府悻悻^僥妄進補一正名自為志滿不復經書為念始初雖有試驗之名其守試之官奉公者少比及立提考試先已計為得知縱令他人代作輒與試中回文所司以憑收俸止是虛文而以習已為常以致吏多孤陋寡聞不知廉耻放其良心无所操守往往受賍曲法遭罹刑憲不可勝數蓋因元學之所致此等之人既亡其本何能尽於公道以此叅詳習吏之輩頃令社長耆老人等入狀保舉行止可觀通曉是何經書當該首領官回識相應方許入案寫發若年深无過才堪前事者至日除合試吏業并元通經書外本屬文資正官人所願別試一經明

達義理許 補俸吏至於復有陞補又洵依上再試別通
一經依例補用比至貢擢風憲及省部臺院既及數窮經
必尽公道如此則不惟知禮義廉耻之教抑亦杜殘民蠹
政之風考滿陞轉流品使沾百姓或佐治府州必有施為
苟若是庶望學校可興風俗歸厚人民賴安矣如蒙准擬
乞賜具呈都省通行照會遵守相應然比即係為例事理
申乞明降得此具呈照詳送吏部議得試補司縣府州司
吏如准所言誠為相應都省依准部擬除外咨請衣上行
一路吏運司吏身出大德十年十月江浙行省准
中書省咨先准 中書省大德元年八月二十五日咨吏

部呈江南提控案牘都吏目比依腹裏至元二十五年呈
准各路司吏實歷請俸六月吏目歷兩考陞提控案牘
兩考陞正九品若路司史九十月吏目歷一考與都目余
皆依上陞轉違例叙補之人雖有役過月日別无定奪及
准中書大德五年正月二十九日咨該各省既於各路總
管府役過月日別无定奪及於各路總管府請俸司吏選
取廣濟庫副使如司吏請俸二十月之上及一考者選充
一界滿日年四十五之上與吏目年未及者於院務使內
任用如四十月之上六十月之下選充一界滿日年四十
五之上與都目年未及者院務提領內任用七十月之上

至九十月選充一界滿日年四十五之上與提控案牘四十五之下於巡檢內任用又各路倉庫大使副使并平淮行用庫副使於各路總管府司吏內選充滿日驗實歷司吏月日諸倉大使比附廣濟副使一体叙用其餘副使人員降等定奪又為運司書吏出身係九十月提控案牘內准任此照得各路司吏如歷七十月至九十月者年四十五之上與提控案牘四十五之下與巡檢考滿皆得入流出身既同別死定奪如歷二十月至六十月四十五之上與都吏目四十五之下與務使提領然都吏目考滿陞轉案牘亦有出身其江南務使提領歸附以來止於錢谷內

委用並無出身定例兼倉庫錢糧又有多寡之分南北事例蓋難一体定論參詳前後似有不倫為此議得所轄諸路并運司書吏七百五十余名額設提控案牘不數十處若歷倉官一界便與陞轉委是員多闕少見今壅滯不能迂調又運司吏考滿兩淮見於都目內迂用獨兩浙轉充提控案牘似為爭懸合從公議擬到下項出身定例開咨照驗准此送吏部照得除提控案牘已蒙

奏准正從九品內銓注今江浙省咨各路司吏并運司書吏出身本部議擬到下項事理參詳合咨江西湖廣行省所轄路分并運司擬合一体陞轉相應都省議得依准吏部

所擬除外咨請照驗依上施行

本省元擬

- 一各路司吏不限年齒九十月湏歷五万石之下倉官
- 一界充吏目一考陞案牘三考入流五万石之上倉官一界充都目一考陞案牘三考入流散府上州司吏考滿歷倉官兩界依上陞轉湏歷倉官滿日別无侵欺粘帶方許給由申省

- 一運司書吏九十月比各路司吏止陞一等充都目一考陞提控案牘三考入流

吏部議得

一路吏六十月湏歷五方石之上倉官一界别无侵欺

粘帶陞吏目一考都目一考陞中州案牘或錢谷官

通理九十月入流五万石之下

一界滿日别无侵欺粘帶陞吏目兩考陞都目一考以上陞轉其餘補不

尽路吏九十月陞吏目兩考陞都目依上流轉散府

上州司吏九十月陞典史一考陞吏目兩考陞都目

依上流轉已上人吏如非州縣司吏轉補者雖役過

月日别无定奪

一運司書吏九十月於都目内任用添一考陞轉如非

各路散府上州司吏補充者雖有役過月日别无定奪

一選補州縣司吏新例大德十一年三月 日江浙行省准
中書省咨御史臺呈淮西江北道肅政廉訪司申照得近
中書省定到通例巡尉司吏選差祇應勾當如无粘帶二
周歲發補縣吏須要歷此祇應一界方許轉補司縣吏聽
本處着耆老上戶人等於槩管人戶內詢衆推舉性行循
良廉慎无過儒道吏業吏曉儒書補充又腹裏并行省所
轉路分庫子合依已擬於司縣司吏差補周歲滿日別无
粘帶發充縣吏依舊勾當籍記姓名遇州吏有關驗此勾
當又河南行省咨合无將本省所轄倉庫人員於州司吏
內勾當倉庫官滿日於府吏縣典史內委用司縣司吏庫

子攢典內補周歲轉補州司吏相應送吏部議得依准本
省所擬咨都省咨請依上施行又安慶路奉河南行省扎
付董世奇狀告先充望江縣司吏大德四年點充平淮昏
鈔庫子二次起解昏鈔並無侵欺失陷緣安慶路獨立路
分別无所轄府州告乞施行省府相度安慶路獨立路分
既无所轄府州於本路司吏典史內遇闕收補仰依上施
行承此本路已將董世奇於路吏內補用了當切聞法者
天下之標準平者古今之公論公私之事大小由之平則
正正則和和則无爭正則省事而易守无事則易行是以
聖人立法貴乎平等路府州縣皆牧民之職民之休戚係

焉路府州縣之吏皆守令肘臂守令之治否係焉得正人
用之則一方受賜用不正之人則一方被害雖以簿書區
區之役係休戚治否之機取舍之際可不慎乎示彼平等
犹懼有偏示以不平其弊安救巡慰司之吏俸給不殊彼
既必歷祗應二年然後得補縣吏又許耆民老於縣管戶
內推舉換補縣吏則是巡尉出身不及耆老所舉之人白
身何功而驟補尉吏何罪而緩陞取舍之道既不同矣勞
逸之事豈有均乎且倉官庫子措典皆不出於周歲惟巡
尉吏為祗應者必獨立於二年此及人情所不平也又州
吏洎歷倉庫然後得補府吏而縣吏亦許宜補府吏彼縣

吏者既得越補而州吏豈不平此又立法有偏員也近年
以來告定奪者往往赴司爭告排者每每皆是奔競之輩
熾然廉讓之風掃地良田吏弊未除示彼以致然也卑司
看詳今後司縣司吏有關疑於巡尉司吏內挨次勾補州
尉司吏有關聽本處耆老上戶詢衆推舉廉慎者補充仍
將祗應月日均以歲為滿州司吏有關縣司吏內勾補路
司吏有關州司吏內勾補若无所轄府州於附近府州吏
內勾當却將縣吏發補附近州吏如此遞補庶得兩平具
呈照詳得此送吏部照得腹裏縣吏所充庫子得替例應
轉補州吏且如德順路庫子擬補鄰近冠州司吏恭詳如

御史臺所呈合咨行省照會仍令廉訪司体察相應都省咨請依上施行

一吏員出身大德十一年七月江浙行省准 中書省咨都省定到路吏六十月須歷五万石之上補倉官一界陞吏目一考陞都目一考陞中州案牘或不谷官通理九十月入流已上人吏如非州縣司吏轉補者雖有後過月日別无定奪本省照得在先進補路吏未嘗究其始進之由止照所歷月日定奪見後人員數多合无自都省咨文到日為格已前委用者依在前定奪已後人員照依見准咨文陞轉相應准此送吏部議得行省所轄路吏運史書吏宜

從所擬自都省咨文到日為格考滿者如非州縣司吏轉補添一考陞轉已後違例補充者雖有後過月日别无定奪今咨行省照會相應都省咨請照驗依上施行

一州縣司吏轉補路吏大德十一年九月江西行省准

中書省咨湖廣省咨准都省咨院縣吏取充庫子得替例應轉補州吏除已札付合屬依上施行外畧舉武昌一路七縣一司三縣最與岳州路接近其本路雖有平江一州亦管一司三縣本屬人吏尚且不能轉補况興國去平江九百余里非待數年不能補上似此縣吏須由州吏轉補府吏終身不能躋進參詳今後縣吏如歷一考之上者取

充庫子一界別无粘帶再發縣吏准理州吏月日路吏有
關依例挨欠多排勾補庶不淹滯准此送吏部議請得州
縣司吏轉補事理合准湖廣行省所言相應都省咨請依
上施行

一縣尉設司吏例大得四年湖廣行省札付 中書省咨前
遼陽行省簽省伯顏嘉議真定路總管姚中奉呈探問到
釐革事內一件所在司縣設立尉司巡檢司衙門掌管印
信專一捕盜比年以來凡有雖強切盜賊生發劫奪民財
致傷人命事主不能拒敵必須告報巡檢官或遇縣官兼
尉事拘占不能根捕又為尉司司吏却係縣吏兼管比至

完備高議行會文字差撥弓兵其行劫賊徒已走百里有
余及有縣尉多係色目并年小不諳官事承蔭不識漢兒
文字人員索要縣吏有妨在縣事務推故不能前去因此
賊盜不能到官亦有致傷人命去處別无親管吏員切詳
巡檢止授省札尚然別設請俸司吏一名縣尉係祇受
勅牒官員却无親管請俸司吏以致盜賊滋溢繁多合无依
巡檢司例設請俸司吏一名專一掌管捕盜似為便益都
省准擬尉司別設司吏一名除外咨請遍行合屬選用通
曉刑名知會吏事就充尉司人吏勾當
一捕盜司設司吏例大德四年六月湖廣行省付札據常德

寺路申各州捕盜司吏照依添設尉司司吏例發充勾當
乞明降得此移咨 中書省定奪去後回咨照得都省准
擬尉司另設司吏一名其下州判官下縣主簿兼管捕盜
既有另掌印信似後另設請俸司吏即係通例咨請定奪
都省相度州判簿尉通管州縣公事即與縣尉職任不同
咨請照驗施行

一待闕吏充書鋪大德五年三月承奉 行臺扎付據監察

御史忻都將任呈內一件各處狀鋪之設本欲書寫有理
詞狀使知應告不應告言之例庶革泛濫陳詞之弊亦使
官府詞訟靜簡公事易於杜絕比年以來所在官司設立

書狀人多是各官梯己人等於內勾當或計會行求充應
所任之人既不暗曉吏事反以為營利之所凡有告小事
不問貧富須費鈔四五兩而後得狀一紙大事一定半定
者有之兩家爭競一事甲狀先至佯稱已有乙狀却觀其
所與之多寡而後與之書寫若所與厭其所欲方行書寫
稍或慳吝故行留難暗行後與之書寫若所與厭其所欲
被論之人使作元告甚至爭一先費鈔數定者又有一等
有錢告狀者自與粧飾詞語虛捏情節理雖曲而亦直无
錢告狀者雖有情理或與之削去緊關事意或與之減除
明白字樣百般調弄起滅詞訟由是訟庭日見繁冗初詞

疑似卒難窮治甚失置立書狀之初意今後各令有司於籍記吏員內遴選行止謹慎吏事熟閑者輪差一名專管書狀年終經換累无過者錯即便收補仍先責書狀人甘結罪狀每遇詞狀到鋪依例書寫當日須要了畢不許存留多余書寫人等在鋪若詞狀到鋪妄行刁蹬取受錢物或故作停難不即書寫及不仔細巡問之事爭端有无明白證驗是否應告詞訟以直作曲以後為先朦朧書寫調弄作樂許令告人徑赴所屬官司陳告取問是實當該書狀人等斷罷若所屬官司看循不行廉訪司到日体察究問前件仰通行合屬依上施行

一革去濫設貼畫大德六年三月 行御史臺據監察御史奧敦承事呈近觀憲臺遍行合屬將府州司吏於本路所轄州縣內避籍迂調路司吏於本省管下路分避貫迂調其江南諸處並已依上施行然而民生尤有未得其安者病於貼書之非其人也切聞各處貼書多有作過斷罷公吏及市井元籍之徒至有五十六歲尚充寫發而不知耻一二十年久占衙門而不知退徃徃圖賄賂而起具詞訟瞞昧該吏而更改案牘為奸作樂非止一端貼書之役本為後生習學吏業以圖進用此等久占衙門年老无耻之貼書非有求進之心乃不過貪圖苟且而已兼以他處迂

來吏員不知本土事情比有施為多係聽從舊存貼書之
久占衙門者愈得以肆其調弄之奸蠹官害民莫此為甚
以遇管見所在大小衙門每額設吏員一名正許依例保
選年三十以下二十以上慎行止不作過犯貼書人二名
勾當六十個月无過錯者量加區用庶几後進之人有所
激勸亦致違犯其老久占門衙濫設寫發貼書截日尽行
革去各道廉訪司常切体察如有違犯者將當該吏員斷
罪罷役首領官有失覈察者究治似望吏弊漸除不致為
害於民前件憲臺議得所據久占衙門濫設年老貼書准
擬革去仰依上施行

一革去久占衙門人吏大德十年 正月江浙行省准

中書省咨倫問民疾苦官呈江西省咨路府州縣司吏於
本省管下地面避貫迂轉省赴議得驗額設員數請俸已
及二周歲者挨次先迁一半未迁考者與迁到人吏相兼
勾當候期年上循迁已轉到役人數皆湏歷四十五日為
限别无贓罪再行移轉他處委自首領官親臨監視交割
元管文卷依上發遣但有脫漏未交事件止着見管人吏
仍將當該首領官吏量情責罰雖迂轉久占衙門主案貼
書依舊在役宿弊雖除及各官門下久設面前首領管勾
提控扎戔人等乃蠹民害政並行革去除外咨請依上施

行准此又一欵行省各道宣尉司路府諸州吏申覆行省
遷調各路所轄府州司縣人吏聽從上司移轉分俵立限
遷調仰照依都省咨文內事理就便遷調施行奉此行從
各路司申到司吏籍貫脚色俸月議擬調換了當除上未
遷人吏令本路照勘如及二周歲者申司遷調大德九年
九月十六日據福州路申蒙廉訪司立案驗會先行江南
諸道行臺扎付准 御史臺咨承奉 中書省扎付州縣

司吏於本路所轄州縣內避籍遷轉路司吏於本省路分
避貫遷調今福州路司吏林清夫等俱係本路附籍例合
避貫換備申乞照詳得此行下各路委首領官一員不妨

本職照勘見後遷調避貫其司吏姓名根脚請俸月日開
申外據所轄州司縣人吏從本路依上遷轉施行去後回
據本路申到各各司吏籍貫俸月除另行外又奉江浙行
省扎付仰依已行事理照勘各路合遷人吏就便疾早遷
轉施行具已未遷調司吏姓名開呈奉此使司帥府合下
仰照驗依上遷調外據久占衙門主案貼書各官門下久
役面前首領官勾提控我人等並仰革去毋致違犯行
下合屬一体施行

典史

一典史不得權縣事至元八年正月 尚書禮部承奉

尚書省札付御史臺呈據河北河南道按察司申切見隨路各州司縣長次正官但遇差故將印信分付吏目典史權管多有不敢處決兩就事務恣從吏目書吏典史人等通同作弊於民不便此奉 都堂鈞旨送禮部議擬連呈奉批此本部議得隨路職官非奉

朝省明文不得擅自離職如有摘勾或因公被差止有獨員者上司不知若有委用他處公事只合回申所屬官司別

行差遣如所委公事不出本境者合將州縣事務兼管勾當不合令吏目典史承權呈奉到尚書省札付准呈施行
一選擇典史通事至元二十年六月 中書吏部承奉

中書省札付隨路州縣契勘隨處司縣典史係臨民照管案牘人員近年不曾選擇見後者多係死根脚年小各官門下濫用之人各路所設通事於達魯花赤之前通傳後候舌自來不曾定立迂轉格例往往久居職役攬權生事公私皆被其擾此弊若不革去殆為未便仰講究選擇典史及迂轉通事法度擬定呈省奉此本部擬得各處司縣親臨百姓理斷詞訟辦集一切事務其照管案牘設典史

一員名分雖微所係甚重宜選擇各衙門吏員勾當年深通曉刑名練達公事廉慎行止不作過犯者充所擬死根脚年少各官門下濫用人數擬合革罷及各路通事亦合與本路司吏一体迂轉議擬到下項事理開坐呈乞照奉
都堂鈞旨送吏部准呈施行

一各處司縣見設典史擬本路分揀如委係府州司縣司吏轉充典史勾當年深通曉刑名練達官事廉幹无過之人准令依舊勾當仍行移本道提刑按察司体覆相同取公牒連申其余无根脚年小各官門下濫用之人並行革罷

一今後典史有闕擬合於各路總管府散府上州司吏
貢舉不尺年四十五以上所歷請俸月日不及叙仕
都吏目者從本處依例選充典史體覆相同申部
一中下州司縣吏年四十五以上勾當年深名排在上
者亦聽依例選充典史體覆相同申部

一照得各路見設通事任前多係各官自行踏逐勾當
若一例革罷緣卒難選取相應人員擬合照勘見役
通事年甲入仕脚色通曉各各驛語實歷請俸月日
開坐申部呈省照勘定奪依本路司吏一體遷轉已
後有開合令各處選擇深通譯語廉慎行止不作過

犯相應人員勾當依例遷轉若遇各部通事有闕亦
擬選用

一選取典史司吏至元二十三年三月御史臺咨奉

中書省札付吏部呈行臺咨山南湖北道北道提刑按察
司申奉行御史臺札付今後典史有缺合於見路總管府
散府上州司吏貢舉不尽年四十五以上遠充典史參詳
司縣衙門事務繁劇全藉典史辦集止以四十五以上選
充緣各路府州司吏俱各年甲不等以致典史多有缺役
去處耽悞公事今後若於三十以上司吏選取相應以此
參詳如准行臺所擬遇司縣典史有缺於各路及散府上

州司吏內選取通曉刑名練達公事廉幹无過及考請俸
移牒本道按察司體覆是實補充勾當相應批奉
都堂鈞旨准擬施行

至元三十一年十二月 行臺提監察御史呈今後司縣
典史比及年滿許聽各管上司循例選取廉幹无過之人
開目入仕脚色行移本道廉訪司從公體覆相應然後出
給付身以待滿日更替尤宜避籍調轉其有事故急者准
上取用若有違例委用人員即仰革去

典史大德七年四月 日中書吏部承奉

中書省判江

西行省咨近准 中書省咨江浙行省咨縣邑典史雖微

親臨百姓應辦錢糧一切事務至甚繁重若將考滿路吏
本省出給付身於各縣典史內委用任回理都吏日月日
庶望官事易辦不致淹滯都省准擬咨請就便照勘避貫
銓注三十個月為滿各理本等月日據章閑典史依例定
奪准此除另行外今據各處申到章閑典史多係路吏差
充本省除將今次章閑典史元係考滿路吏照依前例於
吏目內委用月日未及路吏擬於各路司吏貼補外據白
身充典史人等不見如何區處咨請照詳奉

都堂鈞旨送吏部照擬施行奉此照得近承奉

中書省判送本部元呈司縣典史腹裏上縣擬設二名中

下縣止設一名於到選司都吏目內擬注通理月日流轉其各處見設典史既是常閑理難不叙若元係提管府兩考之上司吏許令給由申部別行定奪六十月克典史九十月克吏目內避貫銓注三十月為滿各理本寺月日陞轉常閑典史行省就便依例定奪腹裏司縣再行明白議擬呈省奉此除外本部叅詳常閑典史若元係各路兩考之司吏許令給由赴部再歷典史一任陞克吏目三考司吏克吏目一考之上司例貼補直隸省部上州三考司吏克典史者於吏目內任用兩考之上司吏止令於州吏內貼補如係司倉司庫發克之人遇各路上州司吏有缺收

若依舊例願克都監者聽州司吏克典史者擬令轉補路吏縣司吏許補州吏其餘濫用之人別无定奪如蒙准擬本部為例遵守呈奉
都堂鈞旨送吏部依上施行

獄典

一獄典出身通例大德十年八月湖廣行省准

中書省咨陝西省咨興元路提督府申准陝西廉訪分司

牒司獄司申考滿獄典崔天輔牒該依例定奪承此為本

路別不曾承奉上司定例獄典出身乞明降本省照得不

見獄典發補陞轉通例咨請定奪送吏部照得各路獄典

未見轉補定例今奉前因照得大都路司獄司正八品其

余上路從八品下路正九品散府上中州從九品以此參

擬各路獄典轉補州司吏府州獄典補縣吏司須歷一考

之上別无過犯方許轉補如蒙准呈本部依上施行都省

准擬咨請依上施行

一補獄典例至大元年三月行臺准 御史臺咨承奉

中書省札付據准西江北道廉訪司申照得各路典獄轉
補州吏府州獄典轉補縣吏須歷一考之上別无過犯方
許轉補為例運取獄典固无明文即日廉訪司寫發人發
補亦有各路總管府貼書內發充不立準繩難為有章緣
係為例事理得此送吏部照擬得司獄司典吏有關於廉
訪司寫發人并各路无通通曉刑名貼書內相叅發補相
應具呈照詳都省除外仰照驗依上施行

庫子

一疋差庫子事理大德三年 行中書省准

中書省咨吏部呈順德路申本路祇應倉官廣盈庫子在
前於司縣係藉有抵業下民戶內運取為係庄農之家錢
谷書算俱不通曉其間收支糧斛出入錢帛浩大以致虧
兌失陷致將應有財產房舍孳畜等物尽行折剝更當侵
盜罪犯至今消乏深為未便擬於所轄司縣有抵業見後
請俸司吏內公選勾當周歲如无失陷粘帶於府吏并典
史內挨次收補相應合准本路所擬如蒙准呈本部遍行
照會一体施行具呈照詳 都省咨請依上施行

一庫子滿日依舊發充司吏大德七年四月准御史臺咨呈
中書省札近准河南行省咨本省管下路分今後攢典庫
子有關於到逕相應錢谷官內選充或於富實戶內差取
准此送吏部得議若於錢谷官內選取緣行省所轄錢谷
官未有陞轉定例如准富戶內差取切恐所屬官司妄生
奸弊擾民不便以此恭詳今後腹裏并行省所轄路分庫
子合依已擬於司縣司吏內差補周年滿日別无貼書發
充司縣司吏依舊勾當籍記姓名遇州司吏有缺挨次勾
當補但有揆越從廉訪司糾察相應已後不須咨稟都省
准擬仰依上施行

